



Claudii Fleurii Abbatis Historia Ecclesiastica

Ab Anno Christi 1248. Usque Ad Annum 1276

Fleury, Claude

August. Vind. [u.a.], 1765

VD18 90118243

§.16. Palæologus Papæ scribit.

[urn:nbn:de:hbz:466:1-66255](#)

Sæcul.XIII.

A.C.1262.

§. XVI.

*Palæologus Papæ scribit.**Pach. c. 18.**ap. Rayn.
1263. n. 23.*

Interim Palæologus bene gnarus a Latinis non diu sibi pacem fore, saepe ad Papam Legatos misit & munera tum ipsi, tum quibusdam Cardinalibus, aliisque apud eum gratia florentibus deferenda. Legationem aliquam obiere Maximus Alufardus monachus, Andronicus Muzalonius, & Michael Abalantus: & in epistola eis tradita Palæologus Urbanum vocabat veteris Romæ Papam, filii Apostolici successorem, ac Imperii sui Patrem spiritualem. Hic Princeps præter magnum pacis & concordiae desiderium significabat, se jam hac de materia Papæ mox post captam Constantinopolim scripsisse.

Sed vehementer mihi doluit, addebat, quod Genuenibus propter initum mecum foedus anathema dixeris, eosque ad hoc rumpendum adigas. Miror te Principem Episcoporum præferre bellum paci & amicitiae inter Christianos, Genuenses scilicet ac Græcos. Describebat mala grandia post superatos a Latinis Græcos Christiano illata nomini, sacrilegia, profanata tempa, sublata divina officia. Cum vero præterita, pergebat, infecta reddi nequeant, saltem in poste-

posterum removendæ sunt inimicitiae ac Sæcul. XIII.
offensiones: & quemadmodum id ex a- A.C. 1262.
nimo precor, si sincere idem cogites,
tantum bonum res nulla impedire po-
test. Tuum nostri parentis munus erat,
nos prævenire: & tamen prior tibi pa-
cem offerre volui, Deum & Angelos
eius contestans, me, si eam renuas, non
habiturum, quod mihi exprobrem. Mo-
do nec dogmata, nec ritus Religionis
tango. Siqua de iis controversia est, fa-
cilius post confectam pacem sedabitur.
Oro demum, ut Nuncios ad me mittas
pacificos vere: atque per illos tuum re-
sponsum opperior.

§. XVII.

Papæ responsio.

Urbanus acceptis his Palæologi litteris

Nuncios pro Græcia de legit quatuor
Fratres Minores, Simonem Arvernien-
sem, Petrum Morasium, Petrum Cre-
stensem, ac Bonifacium Eperodicum.
Sed quia in remotis tunc regionibus e- Rayn. n. 26.
rant, Papa tam cito, quam voluisset, eos Vading. n. 2.
mittere haud potuit. Præterea bellum, &c.
quod Græci Guilielmo Villarduino Acha-
jæ Principi, cæterisque ejus provinciæ
Latinis movebant, Papam cohibuit me-
tuentem, ne Palæologus mutasset ani-
mum. Tandem an. 1263. illos ad Im-
pera-